



Ассаламу аьлайкум, дустал!

ХХЯХХА БАРТЪ

Лакрал райондалул жамятийсса ва сиясийсса кказит

«ЗАРЯ»

Нюжмар
11 март
2016 ш.

№ 10

gazetazary@mail.ru

Товдравиачь сь Мартъ



Байрам дайдирихъусса куц

Хъами цала ихтияду тIалав дуллай талан бикIайсса кьини хIисаврай, ва байрам хъьичIа -хъьичI кIицIларгун дур 1911 шинал мартрал 19-ний.

Муниннин ца шинал хъьичI немецнал социалистка Клара Цеткина Копенгагенной социалист хъаннил кIилчинмур конференциялий маслихат бувну бивкIун бур шала дуняллий хъами арамтурашал архIал бацIан буллалисса, чил биялалий бакъасса кьини ккаккан дурну, му кьини кIицIлаглан. Га конференциялийн бувкIун бивкIун бур 17 билаятрайсса хъами -делегатгал. Ганил маслихIат цинянал ххарил литIавай хъинчулий ккаккун бур.

1911 шинал мартрал 19-ний кIицIлагарчагу, 1912-1913 шинардий Дуняллул халкъуннал дянивесса хъаннил кьини кIицIларгун дур майрай. Анжагъ 1914 шинал кIицIлаглан бивкI-

ун бур мартрал 8-ний. TIайласар, Аьрасатнаву 1918 шиналнин юлианнал календарь ишла буллай бивкIун, ва кьини кIицIлагайсса диркIун дур февральданул 23-ний.

Цаппара таварихчитурал пикрилий, ва байрам савав хъуну дайдирихъун дур 1917 шинал революция. Цанчирча, му шинал февральданул 23-ний Петербурграй азарахъул хъами кIичIиртгавун бувккун, дакъаву дувар, оьтту эки мабутIларди тIий бивкIун бур.

СССР сакин дайхту, хъунмасса хIал хъуну бур 8-мур мартрал кьини байрам кунна кIицIкъалаглай. Анжагъ Ххувшаву ларсун кьура шин кIицIлагла-

гисса шинал му шадлугърал хIурматран властирдал байрам дуллуну дур хъаннин.

АцIния кIира шинава, 1977 шинал тIурча, ООНдалул Генеральный Ассамблеялий политиктуралгу, жуятура эбрат ларсун, къамул дурну дур циняр билаятиртгал властьрайн ва кьини хъаннил ихтиядуху талан бикIайсса Дуняллул халкъуннал дянивесса кьинину баян баратIисса резолюция.

Гания махъ хъаннил дакIру ялугълай дикIай интнил барз бучIаннин. Цанчирча, мартрал 8-мур кьини миннан яла ххуймур, ххиратур байрам дур. Му кьини миннан дулай тIутIив, пишкашру, учай ххуйсса махъру, арамтурал, жагьилтурал, оьрчIал миннан хIурматгу, миннаха бюхъайсса къулагъасу дай.

Хъаннил байрам барча дуллай

Ларгсса нюжмардий райондалий хъунни Хъаннил байрандалун хасъсса шадлугъру, цачIун батIавуртту.

Мартрал 3-ний Хъунклубраву райондалул администрациялул бакIчи Юсуп МахIаммадовлул райондалул хъами -ссурвал, душру барча бунни 8-мур мартрал байрандалушал. Мунал кIицIлавгуна оьрчIал тарбиялулсса, ичIалил иширтгалсса бавришал хъаннил паччахIлугърал давуртгайсса биялагу хъиннува хъунмасса бушиву.

Ва цалчинсса интнил байрандулул кьини кунна, ххирасса, рахIатсса хъуннав зул оьрмулул гьарцагу гьантта. Чансса хъами -душру бакъар район хъьичIуннай давриву, гьарцагу захIматрал бутIуву хъьичIунну зузисса, -увкунни Юсуплул...

Миннал захIматран кьимат бишлай райондалул гьарца ида-

ралий, организациялий зузисса зузалан дуллауна райадминистрациялул чулухасса хIурматрал грамотартту ва 1000 кьурушрашалсса конвертту.

Хъири райондалул магьирлугърал къатлул зузалтрал ккаккан дуруна ххуйну хIадур дурсса концертрал программа. ПIякъ бивкIун чIалай бия концертрал даража хъинну лавайсса бушиву.

(Суратру 2 лаж.)

Ххирасса ниттихъул, ссурвал!

Райондалул администрациялул, депутатътурал Собраниялул ва ттула чулуха барча буллай ура Зу, чаннасса, ттюнгъасса, дуняллий шавкъирай ва бусравну хъунадакъайсса хъаннил байрандалушал!

Барча буллай ура ссавний паракъатшиву, ужагъиртгаву иминшиву, давуртгай хъьичIуннайшивуртту, кулпатиртгаву талихI ва тирхханну чIа тIий.

Жун - чиваркIуннан чIалачIиссар дуняллийсса циняр ххуйшивуртту, хъун даймигу, жула сий гъаз даймигу, къатта -къуш сантирай бачин баймигу, жуятура дирзсса ник тIайласса тарбиялул ххуллийх дуцаймигу бушиву зу, ххирасса ниттихъул, ссурвал.

Райондалул буллугъшиву, кутак, сий гъаз давриву хъунмари зул бияла. мунияту зуйн мудан икрамрайсару, хIурматрайссару, пахрулий буссару. Жугу шаймур бантIиссар зул ненттабакI жиг къабатIинну, дакIудиву ххаришиву чан къахъунну, дакIнил мурадиртгайн биянсса умуд чан къахъунну зана -кбулу хъанан, зул чIарав бацIан. Зухъхъун къудратгу, кашигу дулуннав!

ХI.Ю.МахIаммадов, «Лакрал район» МР-данул администрациялул бакIчи.

ЦСОН

Байрам кIицIларгунни



Мартрал 4-ний ЦСОНдалува хъунни 8 мартрал байрадалун хас бувсса куркки стол.

Шикку гьурттушинна дурунни Гъумуксса цаппара ниттихъал: Ибрагимова Зумрут, Нуручиева Асият, Рамазаноа Аминат, Аьбдудева Къистаман, ХIамзагова Султанат, АхIмадова Гулизар, Мамедова Хадижат, Буттаева Светлана.

Вайннал бувсунни цала бувтсса оьрмурдаяту, цанна циксса ххаришивуртту ва къурчIишивуртту хъунадаркъуссарив. Ххаришивуртту дия гьарца ниттил цала тарбия бувсса ххаллилсса оьрчIаяту. Вайннал дакIру ххари дуллай, ялун нанисса 8 Мартрал байрам барча дуллай, ххуйсса ихтилатру бувна ЦСОНдалул зузалат юрист Аьлиев Сагидлул, отделениялул зав.МахIаммадова Гурсаланлул, отделениялул зав.МахIаммадова Аминатлул. Специалист Самира МахIаммадова дуллунни аьркинсса консультацияртту ва чIаувкунни вайннан лахъисса харисса оьрмурду, дунял паракъатну личIаву ва ялув някIсса ссав.

А.МахIаммадова, отделениелул зав.

Профсоюзру

Мюнпат - цачуншавриву

Вай гъантрай Дагъусттаннал профсоюзирттал организациярдал союзрал чулуха райадминистрациялул бак1чи Юсуп Мах1аммадовлул ц1аний бунк1сса чагъарданий к1иц1лавгун бур муниципал сакиншиннайсса профсоюзирттал организациярдал даву координировать даву ва регион социальныйну ва экономикалул хъхьич1уннай давринсса кумагран гъарца районнай ва шагъурдай бушиву профсоюзрал организациярдал координационный советру.

2016 шинал февральданул 9-ний бувсса РД-лул СОП-рал Президиумрал х1укмулин буну ларал райондалий мукусса советрал председателъну ц1акъ увссар Х1ажиев Сулайман, ц1анасса ч1умал х1укматрал идарартгал профсоюзирттал райкомрал председателъ хънахъисса.

РД-лул профсоюзирттал организациярдал союз умудрай

Ка бакыиннав координационный советран ва мунил председателънан райондалул халкъуннал оьрмудул даржа лавай бан!

бур координационный советран вил ч1арав ац1аву хъунсар т1исса, цувгу зун аьркинсса халкъуннал багъу-бизу, оьрмудул даржа ххуй бавриха.

Маслихат буллай ура район социальныйну ва экономикалул хъхьич1уннай даврил давурттаву Сулайман Х1ажиев гьуртту уллан.

А.А.Мах1аммадов, РД-лул СОПрал председателъ.

Образование

«Первоцвет» конкурс райондалий

Райондалул образованиелул управниелул Гъумуксса лицейраву февральданул 27-ний дурни мюрцими дуклаки оьрч1ал даянвсса Республикалул хъиривляявуртгал проекстрал райондалул конкурс «Первоцвет».

Муниву гьуртту хъунни 16 школаиясса 18 дуклаки оьрч1. Миннал х1адур дурну дия 7 секциялувусса давуртту: «Ч1ири Вагандалул таварих», «Жула лагмасса дуниял», «Математика - элмурдал паччах1» ва м.ц.

Миннун кыматру бишин сакин буну бия хъхьич1рами шиннардийсса конкурсирттаву ххув хъусса ва гьуртту хъусса оьрч1аясса жюри. Конкурсраву гьуртту хъун мукума бунк1ун бия РД-лул образованиелул ва элмурдал Министестволул хъунмур специалист Кинаят Юнусова.

Конкурсрал х1асиллу дурну,

жюрилул ккаккан бунни гъарца секциялуву ххув хъуми ва хъхьич1унсса клантурду бугъуми.

Райондалул образованиелул управниелул х1арачатрай ва конкурс гъашину шамулчинни дуллалисса. К1иц1лаган багълай бур, гъарца шинал райондалиймур конкурсрай ххув хъуми хъхьич1унну гьуртту шайшиву Республикалулмунигу, гилугу миннал бугъайшиву хъхьич1унсса клантурду.

Шиная шинайн ва конкурсраву гьуртту хънахъиминнал аьдад ххи хъанай дур.


(Суратру 3 лаж.)

Бат1аву

Ирглийсса сессиялий

Мартрал 3-ний райадминистрациялул бат1авуртту дай къатлуву хъунни «Лакрал район» МР-данул депутатътурал ирглийсса сессия.

Ххалбигъин лавсунни укунсса къинилул масъалартту:



Дагъусттан Республикалул Бак1чиначал Республикалул депутатътурал Собраниялий дуресса Рисалалия. Муния гъартасса ихтилат буллай Юсуп Мах1аммадовлул к1иц1 бунни Рисалалувусса, хъунмурч1ин зунтгал районнан багъайсса масъалартту, муниву т1ут1имур райондалул оьрмуду, лич1и-лич1исса сферардаву,

хаснува шярваллил хозяйстволуву бачин бан шиврул ссайн кьоч бигъин багълай буссарив. Гъайгъай, ч1ярусса давурттугу, зах1матгу бан багълай бур жуч1ара думур - шярваллил хозяйство ччаннай дац1ан дан, хъхьич1уннай дан. Багъайкун мюнпат ласунсса куцуй ишла дуллан дусса аьрци ва м.ц.

Рисалалин бувсса ихтилатру ялагу бунни Мусалав Мусалаевлул, Лиана Мюртазааьлиевал, Аьвдурах1ин Дибировлул. Хъирив

къамул бунни му масъалалуц1ун бавх1усса х1укму.

К1илчинмур масъалану бия «Лакрал район» МР-даул администрациялул бак1чи Юсуп Мах1аммадовлул 2015 шинаву дуресса даврил отчет дулаву. Вания хъинну гъартану ихтилат бунни отчет дуллалиманал. Балжину бувсунни 2015 шинаву цуку-цукусса давуртту дан хъуссарив, гъашину ци пикри буссарив ва м.ц.

Администрациялул бак1чиначал бувсса ихтилатрайн буну цала пикриду аьч бунни ва цала биялдаралувусса къуллугърай масъаларттая бувсунни Явсупа Х1амзаевлул, Мирослав Ибрагъимовал (Щардал шярваллил администрациялул бак1чи).

Шамулчинмур масъалану бия Аьрасатнал МВД-лул «Лакский» отделданул начальникнал 2015 ши-

цакъ даву.

Администрациялул ккаккан буну бур зузалтрал 40 штат. Хъхьич1сса шиналнир чан хъуну бур 1 администрациялул бак1чиначал, 3 цаймигу штатру.

Ххюлчинмур масъалалий «Лакрал район» МР-данул администрациялул бак1чиначал заместителъну ц1акъ унни **Къадиев Маьксуд Аьвдуллагълул** арс, хъхьич1ва УСЗНдалул хъунаманал заместителъну зий ивк1сса. Мува му хънахъиссар шярваллил хозяйстволулул ва экономикалул отделданул начальникку. Администрациялул структуралуягу, Маьксуд Къадиевлул биографиялиягу кут1ану бувсунни Х1ажи Чавтараевлул.

Ряххулчин ххалбигъунни муниципал къуллугъирттай аьркинссаксса шиннардий зий бивк1сса зузалтрал пенсиялул ялун ххибавуртту даврил масъала.

Сессиялий х1укму баннин мунил х1акъиривусса проект прокуратуралин т1айлашиврул хъирив лаян гъан дансса х1укму бунни. К1иц1 бунни, агар бюджетрал кашидухъурча, муниципал къуллугъитурал пенсиялул ялун ххибаву дансса кашид хънахъишиву.




наву дуресса давуртгал отчет дулаву. Муния бувсуна «Лакский» отделданул штабрал начальник Закир Мух1адовлул. Мукулчин дия «Лакрал район» МР-данул администрациялул зузалтрал структура

Арулчинмур масъалалий ц1удунни балугъравун къабивминналсса буллалисса комиссиялул состав.

Мяйлчинмур масъалагу бия 2015 шинал бюджетраву дахханашивуртту даврия.

Хъаннил байран барча дуллай



«Первоцвет» конкурс райондалий



Ххюлуссуннал школалий

Аьзизсса ниттил маз – Ватандалул ца базу

*Аькьун ппу хьуссарив
Тти зун зунтурду
Буттал щар хьуссарив
Рат Iру, дарарду.
Чун вайлул хьуссару
Минардаяту
Щиллу зу бат I айсса
Щиллу ца байсса.
Ттул аьзизсса миллат
Аьзизсса миллат.*

Ю.Хаппалаев.

«Аьзизсса ниттил маз - Ватандалул ца базу» тIисса цIанилу, февральданул 19-ний Ххюлуссуннал школалий филологну зузисса Мавраева ХIабибатлул 6-7-ми классирттаву дирхьунни видеодарс.

Ва темалун хасьсса дарс циняв школарттай дишин ккаккан бувну бия дуккавил управленелул чулуха. Му дарсирайн хIадур хьанай ХIабибат ЯхIъевнал хьунмасса захIмат бувна видеоматериаллу, суратру датIлай, назмурду хIадур дуллау. ТIалав дуруна миллатрал янагу. Дарсирай усттарну ишла дунни интерактивный ула. Дарсирал мурад бия ниттил маз лахьсса даражалый кIулну бикIан аьркиншиву бувчIин баву, гьарца инсаннан Ватан ххирану бикIан аьркиншиву дуклаки оьрчIаву чантI чин даву ва м.ц.

Учительница аьшуйн шун бунни ниттил мазгу Ватангу кунния кув буцан бан кьашайсса базурду хьанакьшиву. Дарсирай ххуйсса гьурттушин дунни

мунин хасьсса суратру. Дарс дайди хьунни интерактивный улттуй «Ттул чIири Ватан» тIисса проект ккаккан даврия.

ЧчутIуевлул, Рамазановлул, МахIаммадовлул, Абачаравлул, Мавраевлул ккаккан бунни «Ттул чIири Ватан» тIисса пьеса.

Муниву оьрчIру леххаву учин ччай бия жула ларкин, шагьрулин лагайхту цала мазгу,

шархья. Хьунни ихтилатру террорист, экстремистурайн, миннал идеологиялин кьарщиссагу.

Дуклаки оьрчIан ва дарсирая мюнпат хьунни. Ш.Чаллаевлул макьандалухун С.Кьасумовлул «Лакку балай» увкунни оьрчIал ва учительница. Жун ва байлалул чIу дуняллийх левхун нанисса кунма чIалай бия.

Дарс кьуртал дунни учительнал вай мукьурттийну: «Лещан кьадитанну буттахьал вилах».



Ж.Кунжувал, П.Акаевал, Х.ХIажиевал, П.МахIаммадоввал ва цайминнал.

Миннал дакIнин бивчунни мазрахасса, Ватандалухасса назмурду, учаларду, дирхьуну дия

Ватангу, ляхьху кIанугу хьама битан кьабучIишиврий.

ХIабибатлул мукума ихтилат бунни ларкIал пишакартурая, «Дараччи» клубрал зузалттрая, ларкIал чичулттрая, духлаглагисса

Ва дарс райондалий I-мур кIантгун лайкь хьунни. Директорнал хьунмасса барчаллагь баян бунни гьуртту хьунан.

Ися Аьбдуллаев, Ххюлуссуннал школалул учитель.

Спорт

Теннисрай буккавил бьаст-ччал

Февральданул 28-ний Гьумук спортзалдану, ДЮСШ тIивтIуну 35 шин шаврин хасну хьунни столданий буккайсса теннисрал райондалул бьаст-ччал. Ва ччал байсар гьарца шиннал. Гьашину ва хас бувну бия Ватан дуроччайминнал кьинилун.

Ччалдану гьуртту хьанай бия дуклаки оьрчIру ва оьрмулул хьуними личIи -личIину. Сакин бувну бия райондалул спорткомитетрал ва ДЮСШ-лул цачIу.

Бьаст-ччал байбихьлай, райондалул администрациялул спортрал специалист Малик ХIусмановлул гьуртту хьун буккIисса циняв спортсметал барча бувна уттигьанну хьундаркьсса Ватан дуроччайминнал кьинилушчал ва чIакуна цинянан тIайлабацIу.

ДЮСШ-лул директор Шарбуттин Хановлулгу барча бувна ччалдану гьуртту хьун буккIими райондалий спортрал школа тIивтIуну 35 шин шавришчал ва чIаувкуна жагьилсса спортсментуран дуккавилу хьхьичIуннайшивуртту ва спортрал бьаст-ччалдану ххувшаву.

Мукума оьрчIан тIайлабацIу чIатIисса ихтилат бувна (Ахир 4 лаж.)

Студентьтуращалсса хьунабакьаврийн хIадур хьанай

Мартрал 2-ний райондалул администрациялий хьунни МахIачкьсалалив студентьтуращал хьунабакьаву давриха зузисса сакиншиндарал комитетрал батIаву.

Му дачин дурну ия райондалул бакIчи Юсуп МахIаммадов, гьуртту хьун буккIун бия комитетрал циняв члентал.

Райондалул бакIчинал ххалдиргьунни хьунабакьаву хIадур дуллалаврил тагьар цукунсса дурив. Му масьалалия бусласисса ихтилат бувнни оьрчIащал, жагьилминнащал ва туризмалул даву дачин дайсса отделданул начальник Мах-

Iаммад Гадаевлул. Хьунабакьаврий ккаккан дантIисса концертрал программалин хIадур хьанакьисса куц бувсунни райондалул культуралул кьатлул директор Л.Кьурбановалгу.

Ахирданий райондалул бакIчинал ялувбихьурду бувнни жаваблувсса зузалттрайн ва кIицIлавгунни, ва даву лавайсса даражалый шаллу хьун аьркиншиву.



Учредитель:
Администрация
МО «Лакский
район».
Учредитель:
«Лакрал район»
МОлул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
Къ-И. Амиров

Опер.компл.набора
Р. И. Джалаева
Тех. редактор
А. М-Р. Абакаров

Адрес редакции:
368360
Республика
Дагестан
Лакский район
с. Кумух.
Телефон: 3-44-56

Газета набрана и
сверстана на компью-
терной базе редакции га-
зеты «Заря» и отпеча-
тана в ГАУРД «Издатель-
ский дом» «Дагестан»
Адрес:
г. Махачкала
Пр.Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Индекс:51359.
Тираж 847 экз.
Цена: 2 руб.

Газета зарегистриро-
вана Региональным уп-
равлением регистрации и
контроля за соблюдением
законодательства РФ о
СМИ и печати в РД Гос-
комитета РФ по печати.
Регистрационный ПИ
№ 104561.

Позиция редакции
может не совпадать с
точкой зрения авторов,
которые несут ответ-
ственность за достовер-
ность и объективность
представленных для
публикации материалов.

Культура

Жамалуттин - тайласса диндалул

ва дакъаврил ттарц

Гъумуксса оьрчIал библиотекалий мартрал 1-ний хьунни цIадурксса шайх Гъази-Гъумучиял Жамалуттинун хас дурсса батIаву. Му хIадур дурну дия библиотекалул зузалт М.Хизриевал, Ш.Бугъуннаевал, П.МухIадовал, П.ЛухIуевал ва В.Къурбановал.

Шайх Жамалуттиннул оьрмулия ва творчестволия кIул хьун библиотекалийн бувкIун бия Гъумучиял школалий дуклакисса оьрчIру учительтал Х.Будайчиеващал ва Р.Бавасулаймановащал. Шайхная, Дагъусттаннал тарихраву, лакраву ва яруссанаву ислам ппив давриву ганал бивхъусса бутIлуя бусин оьвкуну бия Гъумучиял имам М.Дадаевлулгу.

БатIаву тIиртIуна библиотекаръ П.ЛухIуевал.

ОьрчIал хьхьичI Гъази-Гъумучиял Жамалуттиннуясса ихтилатру бувна кIивагу учительницал. Хьирив гьарта -гьарзану цIадурксса шайхная, ганал оьрмулия, кьолтIсса кIулшивурттагъу бувсуна имам М.Дадаевлулгу.

-Шайх Жамалуттин ивкIссар хIакьсса Дагъусттанал патриот.

Га хIарачат булла ивкIссар диндалул тархъаншивугу, инсантурал, халкъуннал тархъаншивугу ца чIундан, -увкунни ванал. -Мукунсса тархъаншиву дудун бюхъ-

аншиврул, га мудан дакъаврихлу уклай, дяъви бацIан бан ччай ивкIссар. Цувагу тайлабакьасса ххуллийн шищачIав, ссахчIав кIурааян ан къабюхъайсса бивкIссар. Цала билаят Дагъусттан ганан ххирасса бивкIссар ва му, таварихраву мудан бивкIсса кунма,

бутIрайх къабавчIуну, шаллуну, циняннан амьсса Ватанну ядан хIарачат булла ивкIссар.

Мукунма М.Дадаевлул бувчIин бувни, ислам гьарца ишираву хьинмур лахъхьин буллалисса, дакъаврийн оьвтIутIисса дин душиву ва утти дуняллий гьалакшивуртту, пIакъучавуртту, дяъвирду буллалисса террористурашчал цукунчIавсса ара исламрал дакъашиву.



ШавкIрав

Н.Юсуповлун 85 шин шаврин хасну

Мартрал 1-ний ШавкIуллал библиотекалий хьунни шаэр Нураттин Юсупов увну 85 шин там шаврин хасьсса батIаву. Шаэр увну ур Лакрал райондалий КIулшашацIрал шяраву 1931 шинал.

Ва батIаву хIадур дурну дия библиотекалул заведующий Ф.Къадиевал. КДЦ-лул заведующий Л.Халилов ва учительница Б.Какваевал.



Библиотекалулу дурну дия Н.Юсуповлул чивчусса луттирдал выставка. Школалий дуклакисса оьрчIал дурккуна шаэрнал назмурд.

Шаэрнал оьрмулия ва творчестволия бувсуна Ф.Къадиевал. -1952 шинал райондалул казит-

рай ва «Душиву альманахрай хьхьичIа -хьхьичI риршуну дур Н.Юсуповлул назмурду, -увкуну ванил. -1956 шинал МахIачкъалалив итабавкъу бур шаэрнал лакку мазрай чивчусса шеърирдал цалчинсса жуж «Ниттиясса ихтилат». Гания махъсса шиннардий ванал цIа машгьур хьуну дур оьрчIансса чIявусса луттирду чивчуну. Дагъусттаннай итабавкъун бур ванал лакку мазрай чивчусса шеърирдал 30-ксса лу.

Ва батIаврийн бувкIминнан чIявусса кIул хьунни цIадурксса шаэрнал оьрмулия, куртI хьунни ванал творчество дурчIлачIаву. ОьрчIан чивчусса Нураттиннул шеърирду, дуклаки оьрчIан бакъа, оьрмулул хьуниминнангу ххуй бизай. Ва батIаврийн бувкIминнан ччан бивкIунни ганал луттирду цал ттигу буккин.

(Жул корр.)

Теннисрай букваврил бяст-ччал

(Дайдихьу 3 лаж.)
оьрчIашчал, жагьилтурашчал ва туризмалул даву дачин дайсса администрациялул отделданул начальник МахIаммад Гадаевлул.

Бяст-ччалливу гьуртту хьун бувкIун бия Гъумучиял, Хьурхьрал, КIундиннал, ГьунчIукъатIрал, ЧIуртташьял, Хьунайнал школардаясса ва Гъумуксса лицейравасса оьрчIру, цинявгу 24 инсан.

Дуклаки оьрчIал ччалданиву цалчинмур кIану бувгъунни Рамси МахIаммадовлул (Хьунайнал школа), кIилчинмур -Салман Ттупчиевлул (Хьурхьрал школа), шамулчинмур -Ситикъ МахIаммадовлул (лицей).

Хьуниминнал дянив бия цивпалул буклакисса ва кIикIия буклакисса ччаллу. Цивпалул буклакиминнал ччалданиву гьуртту хьунни шала райондалиясса 26 инсан. Цалчинмур кIану бувгъунни Альберт ХIусайновлул, кIилчинмур -Малик

Жабраиловлул, шамулчинмур -МахIаммад Хановлул.

КIикIия буклакисса ччалдану гьуртту хьунни 8 чут. М.Жабраиловлул ва Бухари Ал-

хIасанаевлул бувгъунни цалчинмур клантту. КIилчинмур Ильяс Аьшаевлул ва Рамис МахIаммадовлул. Шамулчинмур -Малик ХIусмановлул ва Шара-

буттин Хановлул.

Ххув хьуниминнан ва хьхьичIун ливчуминнан буллунни дипломру, медаллу ва арцуйнусса бахшишру.

